



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Tractatus De Brevissima Ad
Perfectionem Via: Hoc Est, De Perenni divinæ voluntatis intentione,
executione, apprehensione

Družbicki, Kaspar

Ingolstadii, 1732

VD18 90066340

Caput XII. Actionum indifferentium generatria esse, & quomodo in singulis
Divina Voluntas investigari debeat, docetur

urn:nbn:de:hbz:466:1-45352

luminis, Dei voluntatis non recedente, periculum peccati nullum est, modo perseverantia in resistendo non desit.

His ergo ita præmissis, ad ostendendum, quâ ratione in actionibus indifferentibus Divina voluntas invenienda sit, accedamus. Quia vero præsentis capituli moles excrevit, ideo id commodiùs in novo capite præstabimus.

C A P U T XII.

*Actionum indifferentium genera tria esse, 5
quomodo insingulis Divina Voluntas investigari
debeat, docetur.*

62.

VIdetur non tām inquirendum, quomodo in actionibus indifferentibus Dei voluntatem inveniamus, quām potius quomodo illam ad hasce actiones adferamus: Si enim hæ actiones voluntatem Dei habent, indifferentes non sunt; danda igitur ipsis est voluntas Dei, aut potius ipsæ sunt voluntati Divinæ adjungendæ, atque accommodandæ, ut ex indifferentibus bonæ esse incipient, atque hoc ipsum, qui fieri possit inquirimus.

Possimus verò actionum indifferentium tres veluti classes designare, ut quædam sint gratæ nobis, quasdam aversemur ut molestas, quasdam sus deque habeamus, seu fiant seu non fiant, seu oppositæ illis fiant. Gratæ actiones nobis, amicæque sensui & naturæ sunt, amæna & ridentia spectare prata, sapidos degustare cibos, &c. Molestæ actiones sunt, ut flagellum sponte subire, abstinere à delicatis cibis, à congressu familiarium. Actiones nec gratæ nec ingratæ sensui, ad quas non plus quām ad oppositas afficimur, sunt: Inambu-

ambulare, colloqui, foras prodire, aut domi considerere, &c. Igitur offerentibus sese actionibus iis, quæ demulcent sensum, foventque naturam, inferioremvé portionem (de hac enim sermo h̄ic) ex rejiciendæ erunt ab eo, qui voluntatem Divinam exequi cupit in his actionibus. **Causa est:** quia h̄ec est Voluntas Dei, ut hujuscemodi actibus abstineamus: scriptum est enim: *Desideria carnis vestræ, ne perfeceritis, &c.* Et: *Si Spiritu facta carnis mortificaveritis, vivetis;* Et: *Mortificate membra vestra, quæ sunt super terram.* Etsi in hoc habendam esse rationem discretionis non nego: habendam esse nimirum rationem complexionis, sanitatis, valetudinis, loci, temporis, ætatis, personæ, status. Sed h̄ec ipsa ratio cauta, discretaque debet esse in hac parte; magis severa, quam blanda. Natura enim semper ie ipsam quærerit, & miris artibus, fictionibusque e blanditur à nobis, ut ei tantisper indulgeamus.

63. Proinde si quando incidit occasio actionum carni nostræ suavium & gratarum eliciendarum, tunc hosce Canones censeo observandos.

Primus. Si actionis, quæ carni grata est, nulla est causa alia, ob quam fieri debeat, quam quia grata & commoda est naturæ, tunc est omnino rejicienda, & à tali actione abstinendum, juxta prædictam scripturam.

Secundus. Si præterea est alia causa, propter quam fieri debeat, puta, valetudo, & sanitas propria, charitas & hospitalitas in alias; evitatio vanæ gloriæ, ostentationis, censuræ aliorum; tum considerandum, an hæc, vel similes causæ, quæ suadent fieri tales actus, tantæ sint, ut merito

ritò debeat præferri studio mortificationis à Deo
in scripturâ præscripto, v. g. Videndum, an de-
ceat Religiosum hominem, qui profitetur rigi-
dam & austera vitam, propter sanitatem, nihil
aut modicè affectam, tamen suavibus delicatisque
cibis se pascere apud externos? &c. Similiter an
deceat hospitalitatis gratiâ religiosum silentium
solvere? An charitatis fraternæ gratiâ sumptus fa-
ciendus sit, qui alioqui paupertati non congruit?
Si enim revera causæ illæ, mortificationi sui præ-
ponderant notabiliter, cedere tunc mortificatio
debet, & tunc non fiet actio sensui grata, quia illi
grata, sed quia necessaria est: tuncque jam Vo-
luntas Dei, stabit pro hac parte, ut fiat, & va-
lebit illud axioma. *Hæc oportet facere, & illa non Met. 23. & 9.*
omittere. Euntes, discite quid sit, Misericordiam
volo, & non Sacrificium. Quod si causæ faciendi,
& non faciendi dictos casus, erunt pares, aut
pænè pares, tunc,

Tertius Canon est servandus, ut secluso ra-
tionabili scando (cui meritò obviandum) mor-
tificationi attendatur potius naturæ, vel certé hic

Quartus. Ut quoniam ambigua res est, & res
non gravis est, nihilque periculi post se trahens,
indifferenter alterutra pars, libere, securâ con-
scientiâ eligatur, & propter voluntatem divinam
exercendam, fiat: censi enim rectè potest,
utrinque rem gratam esse Deo, sive fiat, sive non
fiat. Si autem res quidem ambigua sit, at magni
momenti ut meritò deliberationem requirat, nec
finat indifferenter alterutram partem eligi, tunc

*Quintus Canon serviet, ut consilio perito-
rum, & bonorum res dirimatur, aut per oratio-
nem lumen à Deo impetretur: dicaturque, Do-
mine*

Ator. 9. *mine quid me vis facere?* In quo casu non debet mens deliberantis adhærere uni parti, sed utriusque æquè favere, & eo tantum parata esse accedere, quo bonorum prudens consilium, aut lux divina censuerit accedendum v. g. Expediasne vivere in saeculo? retinere opes, quibus multis aliis, Ecclesiae Dei, tibique sis profuturus ad salutem? an relictis omnibus sequi Christum? etsi enim hoc ex natura suâ perfectius est, at aliquando hic & nunc, talibus & talibus personis, illud utilius, securius, consultius; puta cum tales sunt, ut religiosam perfectionem non sint assediti: in saeculo autem tantum boni videntur facturi aliis, sibique, ut religiosæ ipsorum professioni sit exaudandum: hic enim valet illud; Et Monachum non facies, & Senatorem perdes. Atque hinc Canonones servandi sunt etiam in secundo genere actionum indifferentium: quando scilicet offerunt se exercendaæ actiones carni ingratæ; æqualiter enim de utrisque Scripturæ, & Spirituales viris solent decernere: quare non est me opus diutiùs in his immorari.

64.

Quamobrem ad Tertium genus venio, cui propriè Indifferentium actionum nomen quadrat. Quando ergo occurruunt actiones nec bonaæ nec malæ, nec gratæ nec ingratæ sensui & naturæ, & perinde erit sive fecerimus, sive neglexerimus, sive oppositum egerimus, tunc Canon supra ordine 4. locum habebit, ut scilicet indifferenter quamcunque partem eligamus, dummodo illi Voluntatem divinam applicemus: hoc vel simili modo, mente vel ore etiam dicendo. Domine faciam hoc, surgam ex hoc loco propter tuam Voluntatem. Sedebo hic adhuc, quia tua Voluntas est, Eccl.

Per

Per talemque Voluntatis divinæ applicatiō-
nem à me factam, ex indifferenti aliàs actione,
fiet bona; Deoque grata, & mihi meritoria: pe-
rinde ac quando rem expressè à Deo imperatam
facio, vel prohibitam non facio, quia à Deo pro-
hibita est. Cujus rationem superiori capite attuli,
quia actiones nostræ à fine accipiunt rationem
boni vel mali, ita ut tales sint, qualis finis pro-
pter quem fiunt: si vere bonus finis est, actio ve-
re bona est; si finis ficte putativeque bonus, rei-
psâ autem malus est, actio etiam re ipsa mala.
Quia verò in illâ actione: *Surgam hinc, quia tua*
est Voluntas Domine, finis bonus est, scilicet Dei
Voluntas ejusque executio, ideo & ipsa surrectio
optima est.

Et hoc est illud quod tantopere Sancti viri
& facere ipsi curant, & alios facere docent, dum
quantum fieri potest, in omni actione parvâ, ma-
gnâ, imperatâ, non imperatâ, naturali, superna-
turali, spirituali, corporali, internâ, externâ, ex
se naturâque sua bona, ex se naturâque suâ indif-
ferente, volunt rectam haberi, & puram inten-
tionem ab Agente, volunt in omnibus Deum
quæri, volunt omnia fieri propter Deum, in præ-
sentiâ Dei, propter gloriam Dei. Hinc est illud
Apostoli: *Omne quodcumque facitis in verbo aut in*
opere, omnia in nomine Domini nostri JESU Chri-
sti facite. Et: Sive comeditis, sive bibitis, sive ali-
ud quid facitis, omnia in gloriam Dei facite. Et
ipse Christus: *Sic luceat lux vestra coram omnibus*
hominibus, ut videant opera vestra bona, & glori-
fiscient Patrem vestrum. Et: Si oculus tuus fuerit sim-
plex, totum corpus lucidam erit, lucerna corporis
tui, oculus tuus. Cùm omnia feceritis, dicite, servi
inutiles

Col. 3.

1. Cor. 10.

Mat. 5.

Mat. 6.

Luc. 17.

inutiles sumus. Ex quibus Sacrae Scripturæ locis
potest etiam ratio confici, quæ evincat tales in-
differentes actiones hac Voluntatis divinae appli-
catione, bonas, sanctas, Deo gratas, nobis me-
ritorias ad salutem fieri, atque ex indifferentibus
Voluntatem Divinam reddi, non quidem impe-
rantem aut prohibentem eas fieri, sed approban-
tem eas fieri, posse fieri, bene fieri. Certum si.
quidem & indubitatum est, eas actiones esse Dei
voluntatem, sive à Deo approbari, immo Deum
velle eas fieri, quæ fiunt eo modo, quo Deus ju-
bet omnes nostras actiones à nobis fieri: at quan-
do actus indifferentes facimus ad honorem Dei,
ad divinae voluntatis executionem, facimus eos
eo modo, quo Deus vult fieri omnes actus à no-
bis, ut supra ex communi doctrina Patrum, ex
Apostolo, & verbis Christi ostendi. Ergo actus
indifferentes facti ad Dei honorem, & Divinae
voluntatis executionem, sunt verè Voluntas Dei,
approbantur à Deo, Deus vult eos fieri.

Quod ipsum longè fortius etiam evincit ratio
petita ex Dei ad singulas nostras actiones concur-
su. Certum enim est, nos sine Deo nihil plāne
facere; quando ergo Deus nobiscum operatur
actus indifferentes (& eadem ratio aliorum om-
nium) facit illos ad gloriam suam, & ad Volun-
tatis suæ executionem. Quod si ita est, ut omni-
no est, ergo licitum est homini actus indiffe-
rentes agenti, Deum secum concurrentem, in
hac intentione gloriae & Voluntatis Divinae exer-
cendæ imitari. Ergo consequenter homo sic ope-
rans, rectè operatur, & voluntatem Dei opera-
tur, & denique Voluntatis Divinae operationem
suâ operatione imitatur. Sed in hac re compro-
bandâ

bandâ, non est operæ pretium immorari. puto enim fore neminem, qui de hac re tam certa, & in Spiritualibus doctrinis tritâ, dubitet. Et ut verum fatear, hocque caput simul concludam, non tam nobis esset in hoc laborandum, ut subtiliter, sitne? qualis sit? quomodo appellanda sit Voluntas Dei in hoc vel illo actu? quam potius ut sit simpliciter: ut fiat à nobis exactè. Hic enim est cardo vitæ perfectæ & sanctæ. Facere hoc quod Deus jubet, & eomodo per omnia, quoad omnes circumstantias loci, temporis, modi, intentionis, &c. quo Deus vult facere: vel brevius utrumque complectendo. Facere voluntatem Dei semper, sincere, solam, perfectè; Sed hæc in sequenti capite persequemur; nunc reliquam partem præsentis doctrinæ perficiamus.

Restat enim nonnulla de actionibus indifferenteribus præsertim naturæ & sensui gratis (quas supra primi generis diximus) quæstio. Sunt enim pleræque actiones, sensui & naturæ inferiori gratæ, ita necessariæ, ut sine illis durare non possit; sicut etiam aliquando, ut homo in talibus circumstantiis, loci, temporis, personarum, &c. inventiatur, in quibus illi integrum omnino non sit, à talibus actibus, de quibus loquimur abstinere. Declaro exemplo. Dormire, cantus & harmonias in templis audire, apparatusque elegantes spectare, &c. sunt naturæ grata ita, ut etiam necessaria, saltem pro aliquo tempore, certisque circumstantiis. Quid igitur in proposito quoad mortificationem (quam semper propositam nobis esse debere supra dixi, & ex Scripturis docui) faciendum? quomodo impediendum, ut cibum suavem comedam, nec suavitatem sensui gratam

66.

V.P. Druzb. Op. II.

E sentiam

sentiam? &c. Quam ad rem advertendum est (quod etiam cap. præc. dixi) quod aliud sit sentire aliquam in actionibus quibusdamque rebus suavitatem, & naturæ commoditatem, aliud verò eandem cupere, querere, intendere, in eam consentire, illius præsentia oblectari. illud prius malum non est, neque impediendum, est enim rerum, & actionum naturis inditum, v. g. melli dulcedo, flosculis odor, coloribus voluptas, &c. at illud posterius malum esse, vitandumque; & dixi, & dico, in eoque mortificationis præcepta cardinem versari assero. Comedendus ergo cibus est, audiendi cantus, odorandi flores, vel vapores odoriferi, sed non propter suavitatem, non propter voluptatem: pati ista, non impelli ad ista, nec intendere ista debemus: imò quantum fieri potest, ab his animus (hoc est pars rationalis) avocandus, totus in Deum figendus, nullus voluptati illi quæ sentitur, locus dandus, nullo modo, inquam, amanda est illa delectatio, sed graviter etiam ferenda: & ob hoc solum, quia Deus illam in talibus rebus inesse immiscerique voluit, toleranda & subeunda. quâ ratione servata, non tantum nullum erit mortificationis detrimentum, sed potius erit insignis ejus exercitatio. Non tantum voluntas Divina non neglegetur, sed verò etiam egregiè fiet: dummodo serio agatur res, & homo seipsum decipere non velit, & qui semel coactim voluptatem senserit, passusque sit, sensim delinitus, non etiam illam appetat, & intendat, cumque Spiritu cæperit, carne tandem consummet.

At quod maximè attendendum illis, qui aliquando res sensui gratas, actusque naturæ jucundos

cundos exercent, proferentes se id facere, ut ex his sensualibus ad spiritualia habeant occasionem: non minus enim ex melle, quam ex absynthio laudari potest Deus degustato. His, inquam, ad prædictam doctrinam attendendum est, & certò sciendum tales Spiritualitates technas esse diaboli ex Angelo Satanæ in Angelum lucis se transformante. Quantæ enim & quampiæ Sanctæque conversationes transierunt in carnales affectiones, licet & ille & illa Spiritualissimæ personæ viderentur, imò & essent. Non potest talis intentio esse pure ad solam Dei voluntatem conversa: sed necessariò sensualitatis amorem habet intermixtum: & quidquid prætendat Voluntas propria, omnino seipsum cuniculis quærit, & intendit. Verè enim fit id quod sensus amat: vitatur id quod sensus horret, & quidem deliberatè & ex animo. Et quis credere potest Voluntatem divinam solam tibi cordi esse, cum deliberato animo, & ex proposito sensualitatem quæras: contra illud quod dixit Deus: *Desideria carnis ne perfeceritis.*

Breviter ergo sic habendum est, & sentendum in re propositâ. Sensualitas nullo unquam prætextu quærenda est; si se ingerit tanquam necessario connexa iis actibus à quibus nullatenus abstinere possumus, toleranda est non acceptanda, repudianda non amplectenda: aversione & avocatione, mentis ad alia impedienda est, non animo intendenda. quod si impetrari repudiarique non potest, necessitas in virtutem commutetur, voluptasque illa, quam Deus rebus & actibus inservit, tanquam Dei voluntas, non tanquam sensus voluptas est amplectenda:

E 2

tunc

tunc enim patietur, non ager rationalis pars, non
volet sed perferet sensualitates, affectionesque
inferiores naturæ. quas illa non tenetur tollere
sed minuere tantum, sed tantum iis non con-
sentire, sed tantum iis superior esse, juxta
quæ postremò dixi capite præcedenti. Quæ
autem de rebus sensui gratis admittendis dñi
de omittendis sensui ingratis tenenda sunt.

C A P U T XIII.

*Intentionis divinæ voluntatis substantia, pro-
prietates, modi practici, quibus ea reddifami-
liaris possit, explicantur.*

69.

OMNIA fermè, quæ de hac voluntatis divi-
næ perpetuâ intentione executioneque
magis necessaria scitu jūdicabam documenta
exposui: Supereft mihi, ut ipsam hujus Inten-
tionis Executionisque praxim, proprietates seu
conditiones, modos denique, quibus familiari
nobis redi possit, instituta brevitate per-
quar.

Quod ad primum attinet. Sciendum; Du-
pliciter posse nos in omnibus nostris actionibus
Voluntatem Dei intendere atque exercere. Pr-
mò quidem, universaliter omnia & singula operi
nostra vitæ, vel diei totius, ad divinæ voluntati
per ea executionem applicando, hâc vel si-
mili praxi. Domine Deus meus qui sanctam vo-
luntatem tuam, & semper ipse facis, & semper
nobis fieri vis, volo & statuo totâ hac die in omni-
bus actibus meis quibuscumque, corde, ore, operi
exercendis, tuam adorandam voluntatem spectare
& exercere. Secundo. Specialiter & in particulari-

omni-